



Regjeringen

MELDING OM POLITISK VEDTAK

Vår ref.
15/763-4/K1-232//OLH
15/7221

Dykkar ref.

Dato:
09.09.2015

Høyring - Endring i reglar for eigedomsskatt på verk og bruk

Saka var handsama i kommunestyremøte den 7.9.15, sak 74/15 og det var gjort slikt samrøystes vedtak:

KOM-074/15 VEDTAK:

Kommunestyret i Fjaler går i mot finansdepartementet sitt forslag om å fjerne eigedomsskatt på produksjonsutstyr og produksjonsinstallasjonar i verk og bruk.

SAKSUTGREIING:

Det blir vist til Finansdepartementets høyringsnotat 18. juni 2015 kor det blir foreslått å fjerne eigedomsskatt på produksjonsutstyr og produksjonsinstallasjonar i verk og bruk. Høyringsfristen er 18. september 2015.

I høyringsnotatet er dagens regel i eiendomsskatteloven §4 andre ledd fjerde pkt om at produksjonsutstyr i verk og bruk berre er skattepliktig så langt det utgjør «ein part av sjølve føretaket», foreslått erstattet med ein regl om at «produksjonsutstyr og –installasjonar skal ikkje reknast med». Man går frå ein regel om at «produksjonsutstyr er gjenstand for eigedomsskatt når det er ein integrert del av produksjonsanlegget, til ein regel om at produksjonsutstyr ikkje skal skattleggast under nokon omstende.

Det betyr at kun tomt og bygningar står att i eigedomsskattegrunnlaget.

Slik begrepet er definert av departementet betyr det at mellom anna vindkraftanlegg, teleanlegg, overføringslinjer for kraft og liknande infrastruktur- og hjelpelanlegg i all hovudsak vil bli friteke for eigedomsskatt.

I notatet er vannkraft foreslått som eit nytt særskilt utskrivingsalternativ samt at skatteplikt på oppdrettsanlegg blir vidareført utan endringar.

VURDERING:

I vurderingane viser vi til KS sin høyringsuttale datert 21.8.15 og LNVK sin uttale datert 20.8.15.

Konsekvensar for Fjaler kommune vil vere:

- Forslaget vil medføre eit **tap av inntekter på om lag kr 950.000**
- Forslaget vil medføre eit tap av **framtidige inntekter på planlagt utbygd vindpark anslått til kr 3 mill.**


Fjaler kommune støttar ikkje forslaget til endringar i eigedomsskatteregelverket og viser til følgjande grunngeving.

- ✓ Dei økonomiske konsekvensane for Fjaler er store og vil ha store verkander for tenestetilbodet til innbyggjarane i kommunen.
- ✓ Når eigedomsskatt vart innført i Fjaler kommune i 2010 var utgangspunktet at ein kun skulle innføre eigedomsskatt på verk og bruk grunna framtidig inntekter frå vindparksutbygging. Attendemeldingar etter møte med næringslivet og innbyggjarar, var at det bør vere likt for alle og at alle bør bidra. Dette var viktig når Fjaler vedtok innføring av eigedomsskatt på «alt».
- ✓ Fjaler kommunestyre har vedteke å støtte utbygging av vindkraft på Lutelandet. Hovudmotivasjonen har vore å få ny inntekter for mellom anna gjere det mogeleg å kunne oppretthalde eit godt tenestetilbod over heile kommunen.
 - Forslaget meiner vi bryt med den samfunnskontrakt som er inngått mellom staten som konsesjonsmynde og Fjaler som vertskommune som har gått med på å avstå sine naturverdiar i tillit til dei førespegla eigedomsskatteinntektene. Forslaget endrar vidare grunnlaget for den interesseavveging som er føreteke i konsesjonsvurderingar, og medfører at vindkraftkonsesjonen er gitt på urette faktiske føresetnader. Det er å ansjå som eit løftebrot for staten.
 - I samband med arbeid med innføring tok kommunen kontakt med finansdepartementet for å høyre om det var mulig å avtale alternativ avgift som substitutt for eigedomsskatt (2009). Etter at saka var sendt frå finansdepartementet til justisdepartementet og derfrå til kommunaldepartementet for til slutt å kome attende til finansdepartementet, fekk vi attendemelding om at det ikkje var mulig.
- ✓ Fjaler kommune meiner at kommunane etter lokaldemokratiske avvegingar må behalde retten og fleksibiliteten til også å kunne skrive ut eigedomsskatt på verk og bruk, inklusiv produksjonsutstyr.
- ✓ Forslaga medfører at føresetnadane for kommune sitt sjølvstyre blir innskrenka, og strir imot Sundvolden-erklæringa om at kommunane skal behalde ein større andel av dei inntekter som blir skapt lokalt.

FJALER KOMMUNE
Rådmannskontoret

- ✓ Forslaga er ikkje eigna til å oppfylle departementets målsettingar om auka føreseielegheit og likehandsaming.
- ✓ Dersom regjeringa likevel går vidare med lovsaka støttar vi KS sitt forslag om at det blir oppretta ein breidt samansett lovkomitee for vidare utgreiing.
- ✓ Vidare støttar vi KS sitt forslag om at kommunesektoren blir kompensert fullt ut for ein eventuell innskrenking i retten til å skrive ut eigedomsskatt, og at dette blir stadfesta og gjort synleg i ein eventuell sak til Stortinget.

Med helsing



Ola Hovland
rådmann

Direkte tlf: 57738055